

瑞應孝感詩序

瑞應孝感詩爲石橋陶公孝感瑞應作也瑞奚名惟
芝爲草匪至和弗生不種不滋乃鬯乃達瑞應瓌異
命之曰靈徵諸往牒曹爲上瑞是故五色瑞應登記三秀
合圖九莖載筆咸非誣已乃今產于陶氏之堂殊姿
密理懇瓏奇絕圖于繪工叙諸文士一時傳播罔弗
合辭稱瑞豈曰無自蓋寔有攸應也其應石橋之孝
乎孝奚稱惟父母乃人子所自生恩則罔極圖報惟
難惟能竭其力無踰厥分順其志無戾厥道事其死
無殊厥生斯亦可矣乃今石橋之事親若幼知奉訓

若長無違顏若仕乞終養其槩也若夜潛祛暑若晨侍烘衣若婉言進諫其處于常則然也若侍疾必躬若禱神祈壽若進藥泣勸若哀死屢絕石負土成墳若時薦悲思其處于變則然也所謂竭力因分順親於道生事死事惟信惟誠者余於石橋奚間焉夫孝順德也天地惟順故能安其位日月惟順故能著其明四時寒暑惟順故能獲其序峙而為山流而為川精而為百穀粗而為草木鳥獸固未有匪順獲遂其性者之故順以達順則大順應焉至和凝焉繇是天錫真符地協靈貺日月四時寒暑相推而効其祉山

川百穀草木鳥獸異化而現其祥謂孝不有攸感可乎哉惟孝克感惟瑞斯應是故今茲芝草之產不于他所乃于陶氏之堂也昔唐張公九齡相業甚偉孝德亦著時因葬親廬于墓有芝產焉人謂孝感所致乃今石橋之孝感茲瑞應可謂異代同休矣夫天人相與之際應感弗爽理則固然詩奚為惟秉彝好德古今攸同是故詩也者根諸性而暢乎情者也情動于中形于言嗟嘆咏歌隨之以成厥聲倫理攸繫風化攸關是豈可喑默已乎用是吾藩諸宗室躬覩石橋之孝之感嗟嘆之咏歌之亦秉彝好德弗容自己

焉者余忝主藩封夙知石橋之孝行爲甚詳嘉茲瑞
應驗諸秉彝允宜紀載以昭遠也仰惟

皇上懋昭大孝式下土格蒼旻休符疊至神應丕顯聞者
白鹿貢于靈寶皓鵠呈于嵩陽寶露降于

顯陵諸凡不一史臣贊頌颯颯洋洋響奏金石無疆惟休
使茲芝瑞獲聞于

上則必登薦

郊廟宣付史館傳之萬世寧獨爲石橋一家之瑞已也矧
惟我

朝瑞在得賢如石橋純孝爰擢爰旌以馮以異不共爲


世教光乎石橋諱治字時恭乃先少保謚恭介兵部
尚書逸翁先生之次子仕爲右軍都督府都事以終
養在告今其情事既伸三喪終制有司特起當赴
廷用旌擢蓋有待也移孝爲忠積


國樹勲以永終譽焉知嗣是不稱爲

明時九齡乎嗚呼其益懋之哉

嘉靖庚子仲夏之吉

代藩靈丘王書于好善軒





戊戌仲秋始
生幾月而成
高尺餘廣八
寸莖白花黃

孝感瑞芝錄

圖序

右軍都督府都事吾絳陶石橋先生居憂于家維歲戊戌
秋其庭柱間產芝一本二十餘莖莖白而花黃如刻脂鏤
玉輪囷敷暢鮮潤煌煌士大夫觀者咸謂之瑞且曰此石
橋孝感所致也蓋石橋有至行自少勤學

父恭介公憐其羸病命廢舉業以蔭入成均既惟親老不
願仕進恭介公強之乃始謁選拜官未幾即犯

禁例懇疏乞回終養歲在嘉靖丙戌也既抵家朝夕不離親
側出入扶掖承順顏志乃罔弗謹夏夜潛侍親室以扇引

涼逮夜深暑退乃止冬則晨起爇火烘衣以俟親起每食必躬進凡身之所能爲者亦罔弗躬任其勞親嘗諭之曰爾瘠弗堪盍使奴僕代之乃對曰奴僕他人之子肯盡心耶遇親可怒之事則婉言以諫期在潛消故恭介公嘗語人曰此子真能養志者也辛卯冬父感痰嗽石橋侍疾不鮮衣者五十餘日屢禱於神願損己年以益親壽疾尋愈壬辰夏父又感痢疾石橋如昔躬侍祈禱藥不進必涕泣跪勸不鮮衣者又六十餘日而恭介公竟不起矣喪三日勺水不入其口號泣屢瀕于絕丙申母陳夫人沒戊戌生母李夫人沒皆哀毀盡禮越月兄武選公相繼而沒石橋

以天性之孝因心之友感極成疾形僅骨立髮結脫落殆盡不欲獨存有以毀不滅性爲勸者曰即不幸其如情事未伸何石橋遂大感悟乃強起食飲而疾遂差親既葬結廬墓側以便焚奠日躬負土以益其墓又圖親形于家設裳衣薦時食凡親之居處志意樂嗜罔所弗思及見其手澤口澤之存輒痛哭不已嗚呼若石橋之於親不獨生事盡力以終其養尤可謂事死如生事亡如存者矣庸非孝耶惟孝動天地感鬼神貫金石格鳥獸字草木故茲芝草之生非偶然也夫芝之爲瑞肇于漢重于唐至宋而極盛蓋莫非神應之臻以昭明信于人者是豈可以僞爲哉仰

惟

今上方以孝治天下行鑒石橋之孝之感起用表擢與共爲理則上下一德以承天休而諸福之物將靡不畢至矣此其爲之兆乎是用圖出僭述其由以俟夫觀風者采焉
嘉靖己亥孟夏之吉同郡後學龍郊周尚赤謹識

孝感瑞芝錄卷之一

奏疏

靈丘王臣聰謹

奏爲公舉孝感乞

恩旌表以勵風俗事據絳州致仕官杜聰等舉人李開等監生姚傑等連名啓前事切見本州養親右軍都督府都事陶治係先

太子太保南京兵部尚書贈少保謚恭介陶 次子性至孝自幼志學初父憐其氣稟薄弱令勿苦心舉業以蔭入成均嘉靖乙酉當選期本官以親老願不仕父數強之丙戌

春乃選授前職未幾即懇疏乞回終養

勅下該部覆題蒙

聖慈嘉其志節俞允遂得歸既抵家朝夕樂養不離親側每日必早起候親醒省問安否食必親進視其所宜欲其滌瀝寢必就榻夏則扇枕冬則烘被埃夜深睡熟方退出入必敬扶掖疴瘵必敬搔抑凡親所欲之事必先意承志以服其勞事有可怒必婉言幾諫以保天和故父壽羣康寧無恙嘗語人曰吾所以引年者得此子能養志也辛卯冬父偶感痰嗽本官迎醫治未幾親聞方書悅樂性湯液必嘗夙夜憂悸不解衣者五十餘日露禱於天願減已年以益親

壽疾尋愈壬辰夏父又感痢疾其醫精昔藥不進必泣涕跪勸不解衣者又六十餘日父竟不起壽八十有四喪三日本官勺水不入其口哭慟擗踊屢瀕於絕或有以毀不滅性當立身顯親為勸者既斂乃始啜粥追疏父歷事

四朝勞績銜哀請

闕陳情懇乞

天恩優恤贈謚祭葬果蒙

聖明軫念耆舊功臣

特遣官營葬其工費雖皆出於司存其規畫必自竭其心力於

凡

玉音封贈諭祭碑刻及墓志阡表之類必其手書點畫楷正無一毫敢苟餘可知已服甫闋復詣

闕謝

恩歸養二母不減事父歲餘丙申母夫人陳氏病沒戊戌生母李氏病沒其侍疾憂勤居喪哀毀又俱不減於父焉閱月兄前武選郎中滋又沒本官痛念七年之內四喪相繼引咎責躬鬱感成疾清癯骨立餘髮種種不欲獨存又有人勸之曰人之壽夭各存乎數脫有不諱其如大事未棄荷乃自解強起飲食而疾遂差既合葬廬於墓側以便焚奠日負土以益其墓時有烏鳥結巢樹端又圍親像於家設

几筵出告反面思其志意樂嗜每食必祭時物必薦及見其手澤口澤之存輒慟哭不已是年秋其庭柱間產芝一本廿餘莖莖白而花黃士大夫并烏巢觀者咸謂孝感所致侈爲詩文贈之於戲若本官之事親也不惟生致養病致憂喪致哀又可謂事死如生事亡如存者矣且恭介公生存雅以慎重法守清介絕俗著聞

當朝本官自家食筮仕告養終喪至今敬慎節儉不異韋布一惟以父身教遺矩是遵此又可謂善於繼志述事者矣其純孝卓越人無間言是宜格孝烏孚瑞芝天人相與之際信不誣矣聰等目擊其實不容緘默仰惟我

聖天子以孝治天下故天下感化有如

勅褒靈丘王之孝誠是徵矣今本官之孝誠如此是與同城漸
摩而又得感化之餘波者除具呈本州申奏外理合具啓
乞代爲奏

聞旌表庶有以顯揚人臣之孝行風勵天下之人心等因據此
續據本州儒學廩增附學生員閔宗舜等啓亦爲前事又
據本州正平等坊里老魯春等啓亦爲前事又據臣府縣
主郡君縣君鄉君儀賓薛秦張鐸周尚文羅廷瑞等連名
啓亦爲前事又據臣府鎮國輔國奉國將軍中尉成鏞俊
糕聰瀆聰沮俊樞俊棟等連名啓亦爲前事據各所

啓緣由大畧與前啓相同查得本官孝誠瑞應實跡俱與
各啓相同然志操固得自乃父師臣爲法之傳而善行良
由蒙我

聖明大孝致治之化是以宗戚士夫齊民喜聞樂道人若殊途
詞猶一口蓋秉彝好德之心人所同然故也方今旌淑之
典已蒙降

絲綸於宗室又欲表宅里於臣民爲照本官事有可述而善不
可沒不有顯揚何示激勸今啓前因理合具奏伏望

皇上俯念輿情重係風教乞

勅禮部將本官照例

特賜旌表俾堯舜之道達之天下則隆古之治復有見於今日矣如蒙

准奏臣等不勝感戴

天恩之至爲此專差書辦官安弘銳親齎謹具奏聞

嘉靖貳拾年柒月初玖日奉

聖旨禮部知道

孝感瑞芝錄卷之二

詩文

人道惟孝大藎之罕其人除自古君子今見陶右軍孝感靈芝生萬古傳清芬爲人能到此豈是尋常倫嘉樂君子哉孝行畱青簡孝行感神明青簡垂無限疏奏 聖天子褒崇指日返

宗室純齋

輔國將軍

午夜堂前瑞氣凝丹芝燁燁自明微未經弱水三千里早見靈華二十層香結萬年應不散孝先百行更堪稱至誠積處天應格行見芳菲雨露承

宗室翊樞翁

輔國將軍

和風襲襲拂靈芝珍異光華見感時碧澗自同三秀茁甘泉不
段九莖垂商山故迹高清節彭澤先行永孝思恭介勲庸昭宇
宙石橋濟矣 聖明知

宗室勤齋 輔國將軍

孝道通天地君還孝義并解官 雙闕疏廬墓百年情夜月

啼鳥感春風芝草生堂前嘉瑞集青史慢論評

宗室西軒 輔國將軍

相府堂開產瑞芝却緣孝感地天知異香一散傳今古正色孤
高自陸離外內心孚疑閔子幽明神應訝姜詩一封指日聞

明聖紉看 褒章下 玉墀

宗室慎德齋 輔國將軍

名教從來出相門多君子職獨能敦情深怙恃終身慕念重劬
勞九我恩馬鬣封成烏滿樹龍仙芝產玉爲根寄言當道觀風
者好把香名達 至尊

宗室謙齋 輔國將軍

今古人心有乘蕤此心多爲物情移石橋乃克終身慕大孝誰
云舜獨私五鼎可能誇舍養九泉那復繫長思祥禽瑞草無虛
感爲報親恩事轉奇

宗室菊軒 輔國將軍

庭礎驚看瑞氣呈神人感格紫芝生庭闈定省晨昏職風木悲

號晝夜聲培植綱常昭古道恪恭行誼重鄉評而今孝治崇
當宁史冊千年著大名

宗室漱石 鎮國將軍

善養由來德性成昔賢千古許齊名猿啼夜午魂猶落芝產庭
陰瑞自呈三世孤忠昭 盛代一門全孝動蒼冥 褒章赫

赫從 天下看取餘香續汗青

宗室義齋 輔國將軍

元臣梓里忻投老令子 楓宸懇疏情愛日欲揮弋一駐悲

風安得樹長寧栢枯高塚知表感芝秀虛堂見瑞徵刻薦是官

推淑典史書永著魯賢名

芝草行賀陶石橋先生孝行有感

宗室明善齋 輔國將軍

干嗟瑞物出不偶感召應須和氣全天地位來自愛寶古今神

理豈多愆陶家都事石橋子魁梧鄉里皆稱賢金門時繫親闈

念懇疏數辭即翻然幾年色養而翁逝讀詩應廢蓼莪篇純孝

有君誠罕見寧復區區羨寶燕祥善欲開先還地豈訝芝草生

庭前君不見迥秀隣猶犬常乳熊袞三日天雨錢耿耿芳名炳

白日汗簡當時詎浪傳願君移孝復為忠王事勤勞盡匪躬家

庭永守尚書澤千古遙承靖節風丈夫到此度無忝乾坤磊落

稱英雄

宗室靜齋 奉國將軍

純孝動天地畫堂芝草生煌煌呈瑞兆燁燁發靈英懿德傳芳

遠公評紀善榮 聖明褒異 詔行見下 彤庭

宗室庸齋 奉國將軍

芝草有五色黃者尤為良龍鳳異形世莫覩乃今產於陶氏之
高堂二十餘莖共一本金相玉質交輝煌人咸快覩未有識但
言此物當非常托根堂柱不着土無風蒲堂飄異香登堂我亦
曾拭目不言心識為禎祥芝譜所傳無乃是昔人雅重謂言神
爵甘露僅比方今堂何以遠得此顧有所致非渺茫我見陶君
昔時在朝著家庭遠隔親無將瞻雲日西顧悲念心徬徨自謂

報親日已短報 主有日殊未央封章懇奏乞終養 聖皇

一覽為之傷嘉乃孝親志 詔許歸故鄉君於是時竭已力

就養左右真無方更期親心歡洽歷千紀柰何椿庭萱室相繼
皆云亡君志雖已畢哀苦尤莫量毀瘠骨立欲滅性猶躬負土
築墓廬其旁見者為酸鼻聞者為斷腸以此純孝德忽然感彼
蒼蒼為產異草彰於世庶有知者薦達歸巖廊方今吾
皇以孝治天下能不賜表宅里以為萬世培綱常

宗室懶齋 輔國將軍

聞道石橋子永言能孝思天心惟眷德庭柱為生芝竹帛垂名
遠 重書褒行宜荊州曾一識聊爾賦新詩

宗室慎齋

輔國將軍

商嶺曾聞散異香而今重見逸翁堂
花黃燁燁金生彩梗素亭
亭王吐光奕葉勲名時闡德萬年
孝行永傳芳莫言產處無根
種應是天成豈泛常

宗室昊齋

奉國將軍

無言泣血淚回首玩松楸異鳥鳴
紋葉哀猿號虎丘靈芝綠孝
產章奏及時修指日聞

丹陛旌書下

鳳樓

宗室松山

奉國將軍

強年謝政事椿闈罔極親恩仰報
時心對昊天還造化眼看匪
地秀仙芝英華鮮潤人罕覩
逆路傳聞譽自馳此際料應達

帝闕行看

寵命下龍池

宗室怡齋

輔國將軍

恭介先生清絕俗盛遺德澤後尤昌
昔年諫草香仍在汾亭先生忠疏
也今日靈芝色異常石橋先生孝感也
不愧蛙鳴詩瀆亂待看龍
篆墨林浪休光莫訝一門萃忠孝
從來有義方

宗室蘭谷

奉國將軍

瑞芝生處豈無因至理從來感應真
恭介奇勲遺海宇石橋純
孝格人神英英僊種原非俗馥馥
殊香不染塵當道封章馳
王闕褒嘉指日待絲綸

宗室昇齋

奉國將軍

僊種曾聞弱水東，超然不近百花叢。
未於海外和霜採，早向堂前倚柱生。
幽質亭亭超世態，異香藹藹散天風。
莫言此瑞無徵驗，應羨陶家孝譽隆。

宗室綸齋 奉國將軍

一點衷誠對碧空，悲號日夜泣西風。
手攀古栢枝皆悴，淚洒荒丘草亦紅。
孝鳥依依啼樹杪，靈芝郁郁產庭中。
旌書指日來褒美，愈見先生道誼隆。

宗室沙渚 奉國將軍

漢殿商山舊有名，君家一種更晶瑩。
祥風拂處金光見，瑞靄看來紫氣生。
柱石托根元有地，芝蘭入室可無評。
玉孫列異殊

恩眷疏入 天朝汗簡榮

宗室綜齋 奉國將軍

人少慕父母，此心因物移。
衰哀石橋子，終身允若茲。
負米切深恨，瞻雲起遐思。
明明動天鑒，眷德生靈芝。

宗室緯齋 奉國將軍

孝行從來易，動天忽呈佳。
瑞士林傳辭，官帝闕終生。
事間寢親闈，廢夜眠白鵲。
昔稱仁傑異，紫芝今聚九。
齡賢還知食報歸，英胤奕葉衣冠耀後先。

宗室忍齋 輔國將軍

家風清白誇今古，孝行純全見子孫。
誠意一時孳草木，芳名百

世壯乾坤忽逢手澤哀存迹尚見心傷淚有痕衆口同聲總無
間旌褒翹企待 殊恩

宗室東谷 奉國將軍

思親和淚解朝簪親沒悲傷尚可禁風木當歌生別感蓼莪終
古費哀吟大行山遠愁仍重汾水波迴思轉深一自先公向泉
世鄉人稱說到于今

宗室西谷 奉國將軍

雲龍風虎方嘉會鳩杖爛斑未暫忘畫錦堂空椿已老春暉恩
在草尤香莖沾百行源頭潤華發千秋鏡裏光况是 聖明
崇孝治綸音端擬爲褒揚

宗室中軒

自行根源是孝思君家孝可作人師辭官志欲全終養廬墓心
無爲衆知芝草數莖昭上瑞芳名百世定常垂 聖明御世
唯崇孝指日 天恩下鳳池

宗室質庵

卓彼石橋孺孺懿行純陳情追李家養志慕曾參瑞草生華
屋香名動 紫宸行看旌擢後青史永芳芬

宗室復齋 奉國將軍

蚤奉 天顏願乞身歸來堂上養雙親綵衣戲處多愉色甘
旨供時感至仁揮筆豐碑頻墮淚結廬高塚獨傷神誰言芝是

無情物忽向家庭代瑞麟

宗室拙齋

奉國將軍

矯矯石橋子獨高大孝名此心昭白日至理格青冥瑞草回春色祥烏送曉聲還看勞薦剡

褒詔下

彤庭

宗室執齋

奉國將軍

石橋忠孝舊人家瑞草生庭益可誇太史文章增直筆 丹書不日下褒嘉

宗室葵坡

奉國將軍

一點精誠格上蒼幾葉芝草出華堂風前冉冉含雲液露下亭亭朝日光塵世驚誇真罕見君家瑞應不尋常 聖皇孝治

真堯舜四海傳心萬古長

宗室汾陂

鎮國中尉

耿耿 陶恭介聲華益九州子能繩步武史益重編修泉下翁瞑目堂前芝出頭石橋真令器天瑞為相臚

宗室訥齋

奉國將軍

劬勞恩重利名輕辭祿依親遂子情暮樂晨湯躬盡瘁穹碑高塚自經營天憐哀思祥烏集地感精誠瑞草生指日 綸音旌擢處還看移孝輔 彤庭

宗室立齋

奉國將軍

瑞草昭純孝滋榮信有神靈根盤地脉瑞葉見天真曾聞芳聲

並

宸雲德化新直須風四海

溫詔煥

絲綸

宗室心齋

奉國將軍

見說陶公子五旬猶慕親瑞芝已有驗美譽更無倫達孝追前哲流芳裕後昆不須輔明主即此是忠臣

宗室川泉

鎮國中尉

賀陶石橋先生孝行有感賦

哀哀父母兮德實無疆彼何人斯兮本之乃忘厥賦匪異兮私欲或戕流于不善兮人道何常吁嗟陶公兮克孝思于嚴尊鷄初鳴而載起兮問安常至於寢門洒肉以養志兮詳視不忽於甕飧夏揮扇以引涼兮冬衾必以身温逢親怒兮期在於潛消

親或疾兮哀鳴而嗷嗷迨親之遺世哀毀兮僅骨立廬墓側以終喪兮泣攀栢而彌泣思平生所嗜兮儼若見於羹墻逢忌日嗶嗶兮諒終身以莫忘天道云遠兮日臨下土歎善降祥兮芝萃庭柱厥生以茂兮刻脂鏤玉輪困敷暢兮蕊分盈宇士林歌誦兮厥聲洋洋既奏吾皇兮譽播四方藝倫攸敘兮賴以不亡名千載不朽兮于吾邦永有光

宗室淵泉

鎮國中尉

至孝原天姓名開萬古香報恩懷玉樹辭祿貌金章懿德回天地靈芝產棟梁吉人應有後奕葉更榮昌

宗室謹齋

奉國將軍

瑞芝金卷二

瑞芝金卷二

嗟嗟孝之道由來通神明我絳陶右軍事親無餘情爰乃孳草
木堂前瑞芝生瑞芝日敷榮令名同此馨

宗室梅軒 鎮國中尉

丹心一念格天人棟宇芝生感應真 恭介清風千古播石橋
情苦百年神為圖林下桑榆養且置 天邊雨露新此日觀

風應有採 褒章會看下 楓宸

宗室翼齋 奉國將軍

孝子邦家寶直當青眼看已能不忽易人目重恒難天為生芝
草君應頌彩鸞大夫行已處端不愧儒冠

宗室月齋

行孝誰云天不知感天聽事產靈芝異香拍塞傳寰宇鮮色精
神放陸離迥秀高名難獨擅子瞻佳詠已成詩回看三部尚書

第官喬榮承 褒獎奇

宗室竹軒 鎮國中尉

就養本無方子職當自脩左右怡心顏風木不我畱所以古聖
賢飲恨悲泉丘卓哉陶氏子志行良足侔英英青雲芝曄曄精
光浮明明示佳祥耿耿垂千秋

宗室恪齋 奉國將軍

但識終身慕寧期後世名馨香及草木天地格精誠漠漠泉臺
隔哀哀鳥鳥情 聖祖隆孝道 丹詔下 彤庭



宗室甲齋

宗室甲齋

一